

開放文學 – 神鬼仙俠 – 東遊記 八 戲放青牛亂宮

卻說鐵拐自救其徒之母，復舊老君之所。老君曰：“今番汝卻了悟也。”乃設宴們款，極歡而罷。一日，老君出遊，鐵拐與諸仙童戲曰：“青牛在此，與汝各跨一會，遊樂何如？”仙童曰：“可。”於是鐵拐向前解其繩鎖，將欲跨之，那青牛見其形貌跋惡，打了一驚，脫其韁勒，如天崩地裂，逃出雲霄。鐵拐同仙童追趕半日不能得。乃兩下各相埋怨爭論。適老君歸，問曰：“何故爭嚷？”一童告曰：“鐵拐與二童欲騎青牛。牛見鐵拐驚恐，逃韁而去，四方尋覓不得，是以爭論。”老君呼眾責曰：“此牛前番飛下凡間，惹下許多災殃，遣人力追而得。吾故鎖之，今汝等間戲放逸，又不知何如作禍人間，罪過非小也！”因杖其二童，謫降鐵拐下凡，將功兌過，方許復歸。一而使人尋覓青牛去了。

卻說那牛得脫韁鎖，如龍歸海，似虎還山，跳躍千般，奔騰萬狀，竟投西域而去。忽聞喜樂喧天，笙歌聒耳，回頭一顧，乃大秦國之處，見緩緩燈火，輝太極之林光；裊裊香煙，接九天之雲霧。品物極水陸之陳，窈窕盡燕趙之美。翩翩舞袖。百媚春色；婉轉歌聲，雕樑旋繞。果王家之極樂，人世之大歡。青牛見此，頑心頓生，乃自言曰：“此處快樂如此，我不在此居住，欲何往之？”於是顯有神通，竟入官掖。先將國王攝出，置於二十裏外虯松岩下。忽宮中鼎沸，王後傳旨，不見國王。俄爾，王從空飛下，狀貌恰肖，淫亂後宮，無能辨者。惟王後察其舉動言談，非王體態。次早傳旨，宮中有怪，群臣皆至觀望。牛精慨然冠服臨朝，群臣亦莫之辨。惟後力言其非。群臣正無可奈何，值欽天監奏稱，妖星犯主星至急。群臣猜疑，然亦未敢明言現在之王為怪，因出榜尋覓真主。俄爾有樵夫報稱二十裏外，虯松岩下，有一人王冠王服，號叫群臣救援。群臣聞言，悉奔迎駕。牛精在宮內大怒，竟將後收冷宮。諸嬪見其威勇，江其淫辱，莫敢言其非者。

且說群臣救駕，見王立在岩上高峭處，不能得下，乃用架及岩，使大力者以繩系筐，盛王於筐中，漸放而下。群臣拜伏請罪。請問其故。王言：“昨夜二更，有牛頭一人，越入宮中，負朕於此。”群臣奏曰：“其人今假陛下容貌，現在宮中。王後指斥其怪，且被囚入冷宮矣。”王曰：“似此可差羽林軍進宮擒出斬首。”一聲旨下，羽林軍士火砲震天，旌旗耀日，望後宮進發。國王、群臣督其陣後。方入宮門，忽宮中大喝聲，那妖放出一把火來，燒得羽林軍士，七東八西，自相踐踏，死者不計其數。群臣急退，國王退入太廟。王曰：“吾觀此妖，法術無邊，不可以人力敵也。眾卿有何高見遲妖，速奏朕知。”言猶未了，一臣出班奏曰：“雖此十裏有一玄女神廟，其神最靈，四境之內，凡有災殃，求之必應。況陛下為社稷之主，宮殿根本之區，怪物放恣如此，神女豈容之哉！願陛下竭誠齋戒致禱，玄女神娘必能顯跡驅除也。”